

Школин баадл джиргэлас

Каспийск района багширин профсоюзин комитет эрдм-сургуулин отделта хамдан „Багширин Одр“ кецхэв. Эн кесн Одрт района цуг школмудас дал гар багшир хурдж ирцхэв.

Түрүн болдж нарт-делкэн баадлин тускар научн болн политичек медрл тархалгэна обществин член ур Б. П. Петькиев багширт лекц умшв. Дарунь Каспийск дундин школин багш ур А. П. Шумилина социалистическ дөрлдэ ягъдж школд делгрулхин тускар доклад.

Докладин хэбн багширин бийснэ олн-зүсн утцар кеерүлэд хатхсн гарин эрдм, саянэр зурсн зург болн нань чигн кэдлмшин гээхул хэлэцхэв.

Эн гээхулд М. Ф. Криницкая, М. П. Бородина, З. П. Люлякина болн А. Д. Решетникова гидг багширин кесн кэдлмшмуд цугъараднь икэр таасгдлж, мөрэлгдв.

Доклад сонъсад, гээхул хэлэснэ хэбн, ду-биигын концерт хэлэдж, багшир сенр кевэр амрцхав.

Д. УБУШИЕВ.